

費氏全集

汪洵署檢

常州孟河費晉卿先生諱伯雄著

費氏全錄

同里汪洵書



醫醕賸義四卷


醫方論四卷

留雲山館文鈔一卷

留雲山館詩鈔兩卷

坵詩餘一卷

王子中秋孟河費耕心堂鑄版



孟河費晉卿先生諱伯雄肖像

費晉卿先生傳

先生姓費氏諱伯雄字晉卿雲菴公之哲嗣也幼聰穎甫四歲能誦古唐詩七歲卽能屬對時目爲神童比長能文章工詞賦窮搜博討尤肆力於古文房行考墨概不留覽以故士林知名而久困場屋屢薦不售遂決然舍去以明經世其醫學名噪大江南北活人不可以億計人之稱先生者或以爲名士或以爲名醫而未知先生之內行也先是雲菴公邁重疾幾不起先生年十七日夜啜泣至雲菴公前則拭淚作笑容又竊以黃紙硃書疏文願減己算以益父壽向城隍神跪禱酌酒焚之雲菴公果漸瘳嗣於每夕獨至空庭就地向北辰跪拜祈父母康強數

年後爲家人所窺偶有傳播先生乃大悲拜禱之舉反從此止矣道光間多淫雨海潮泛溢洲民幾爲魚鱉先生偕敦仁堂董親歷各洲賑卹五載給予工食沿江築堤所存活又不可以億計咸豐二年粵匪犯順大江南北烽火連天人心皇皇朝不保暮幸向張二公結營拒守東南半壁賴以少安當是時西有王耀書北有朱鳴喬各聚黨數千人私立捐局橫行鄉里莫敢誰何鎮江府治旣失屬邑皆不納漕糧武進與丹陽接壤無知者咸思效尤通江鄉民劉明松者愚而喜事遂邀奔牛以北五鄉三十五圖之人會於夏墅倡霸漕糧以爲無事則衆享其利有事則明松獨當之雖身膏斧鑕弗悔也衆惑其言以爲義俠願

與同禍福蓋明松欲爲王耀書朱鳴喬之所爲而力不足以致多人故倡爲此舉以收拾人心耳其族人某素與明松有隙密向常郡首告明松倡霸漕糧惑衆煽亂當事者欲發兵往捕五鄉之人訛聞局中欲並治五鄉也紛紛聚議欲爲拒捕計局中又訛聞五鄉欲轉攻郡城也乃益調兵裹糧以待當此之時寇患方深內難將作岌岌乎不可終日矣先生聞之乃毅然單車至五鄉會集之所慷慨而言曰君等欲有所舉救明松乎害明松乎僉曰我等以明松義俠不忍坐視其死故欲救之耳奚害之云先生曰君等未之思也彼首告者謂明松倡霸漕糧惑衆煽亂若一拒捕是實首告者之言而重明松之罪乃害之非救

之也諸君世居茲土代爲良民五鄉之廣無虞數萬家各有父母妻子墳墓田廬不過因明松一言遂自撻法網上陷父母下害妻子吾不忍見火焚數萬家血流數十里也鄉民皆感悟深自悔先生曰今與諸君約能從我則當星夜入城訴於保衛總局願以全家保諸君無畔意否則吾亦從此逝耳不能與諸君玉石同焚也衆踴躍曰我等愚蒙見小利而忘大害今聞明論如夢斯覺先生生活我敢不惟命先生曰此易易耳所首告者倡霸煽亂若將應完之漕糧五日內交納則霸且不敢亂於何有諸君旣無事卽明松亦可邀末減不辨自明之法無過於斯且國家多故之秋正吾儕報効之日良民莠民止爭一念耳諸君

毋再伊戚自貽也衆皆曰敬諾遂入城白諸當事當事者喜曰
果能如此可以消弭於無事矣乃設櫃開倉三日繳畢五鄉得
以安堵如此大難指顧定之先生力也後以避亂寓居泰興遠
近相投者無不賙給生平著述頗富燬於兵火十不存一追錄
醫醇賸義四卷醫方論四卷古文一卷詩鈔附詩餘兩卷次第
刊行雖吉光片羽皆足津逮後學今歸故鄉獨造橋梁獨新祠
宇獨修譜牒當務之急靡不盡力前此九董荒賑四董河務濟
人利物之事難可枚舉予亦無從殫述也予兩兄與先生少同
硯席予亦常至先生家見其子畹滋司馬怡怡色養諸孫並英
偉秀發於以知先生之德足以蔭庇其後人寢熾寢昌豈有涯

洙哉

同治八年歲次己巳仲春之吉

賜進士出身前任湖南巡撫部院世愚弟惲世臨拜撰

李小湖先生題辭

訪費晉卿明經

伯雄

於武進之河莊卽贈

舟泊石橋灣水行變而陸巾車赴河莊隻輪轉輾輾一路耒板
聲納禾場已築烏下多白頸農來尙赤足不放鋤柄空種麥秋
雨沐西風忽戲我吹帽墮巖麓驀然見嘉山上有參軍躅天使
步古賢催詩送題目村氓那得知獨造幽人屋

其二

瀆傳孟簡跡山被孟嘉名嘉山對黃山兩山夾一城城爲備倭
設濱江古屯兵江落沙洲拓幸遠波濤驚五門不通櫓四至皆
陸程鳩聚到今日草草稱太平君家城南隅環堵出書聲別舍

咫尺相接病腊來千形仁心濟仁術不出慰蒼生名士爲名醫倍
洩山川靈

其三

入門未見君壁懸兩小影一坐紅豆村一招采蓮艇自題南北
曲優入元人境俗子但尋醫新腔復誰領不破萬卷書安試藥
三品由來藝通道神悟到毫穎會稽名書家轉掩志高迴竟陵
號茶神風雅爲齒冷無怪閤畫師天子呼不省

其四

儒林與文苑千秋照簡編豈無藝術傳別表冠世賢華陀許穎
宗婦孺驚若仙本草三千味難經八十篇格致卽聖學名與精

神傳況用拯危殆能奪造化權活人較良相未知誰後先莘渭
不巷遇徒手難問天孟城一匹夫所值蒙生全日濟什百人功
德歲萬千大哉農軒業託始堯舜前

萬千大結豐神業滿故義義施

不巷愚翁平壤問天鑑烈一四失預前蒙老全日將什百人由
師料此用對說然道尊哉外縣甜人神身脉朱眼蕭翁求季所

自序

秦有良醫曰和曰緩彼其望色辨候洞見膏肓非所謂神靈詭異者歟乃其論針灸論湯藥言言典要開啟後人又何其純粹以精也豈不以疾病常有怪病罕逢惟能知常方能知變故於命名之日早以和緩自任歟夫疾病雖多不越內傷外感不足者補之以復其正有餘者去之以歸於平是卽和法也緩治也毒藥治病去其五良藥治病去其七亦卽和法也緩治也天下無神奇之法祇有平淡之法平淡之極乃爲神奇否則眩異標新用違其度欲求近效反速危亡不和不緩故也雄自束髮受書習舉子業東塗西抹迄無所成遂乃決然舍去究心於靈素

諸書自張長沙下迄時彥所有著述並皆參觀仲景復乎尙已
其他各有專長亦各有偏執求其純粹以精不失和緩之意者
千餘年來不過數人因思醫學至今蕪雜已極醫家病家目不
睹先正典型羣相率而喜新厭故流毒安有窮哉救正之法惟
有執簡馭繁明白指示庶幾後學一歸醇正不惑殊趨爰將數
十年所稍稍有得而筆之於簡者都爲一集名曰醫醇共二十
四卷分爲六門曰脈症治首察脈次辨症次施治此三者爲大
綱就治字中又分三層曰理法意醫有醫理治有治法化裁通
變則又須得法外意也乃災梨半載而烽火西來赤手渡江愁
苦萬狀棲身異地老病日增風雨之夕林木叫號半壁孤燈青

影如豆回首往昔如夢如塵良足悲矣自念一生精力盡在醫醇一書欲再發刻以大暢和緩之風而坊刻定本與家藏副本盡付祝融求之二年不可復得昔人謂人生得幾句文字流傳大關福命此言誠不我欺也近因左足偏廢艱於步履坐臥一室益復無聊追憶醫醇中語隨筆錄出不及十之二三兒子輩復請付梓予以並非全書不欲更災梨棗而門下士以爲雖非全豹亦見一斑且指迷處正復不少若并此湮沒則大負從前醫尚和緩之苦心矣勉從其請改題曰醫醇賸義而自序其巔末如此惟願閱是編者諒予之心悲予之遇匡其不逮而惠教之則幸甚